

集部

欽定四庫全書等無事

詳校官編修臣曹錫龄

中書臣劉源溥覆勘

校對官編修住沈清藻 總校官編修日王燕緒 謄録 監生日 吳贻棟

公王四重中全建司 HERMAN BERTH BERTHARD The second second second second second second 7. M. W. W. W. Sec. 「最後になる」と言 Section 15 方洲焦 委順周治割股內作粥以 鄉之人有狀其事為圖為 明 張寧 撰

事乎高遠奇僻得於親而已美孝婦之事舅姑謹節共 其等獨難之若可百歲者夫者弟之道平實簡易初 外應厚薄適宜無不當翁意翁以是志體熙然康勝視 疏食屏血味言為長者保福自前漸衰婦觸飯菜美者 執处變品制甘脆翁每食未當不飽具俗凡有禱祈 門婦之孝盖隨以顯舅行居前年幾八旬無齒婦常自 三越歲人無知者翁志好賑恤而性實儉約孝婦內持 進疾頓愈姑壽終原徳廬墓木生連理有司上其事旌 無 輒

哉雖然孝亦未易竟也論語言孝有色難致養疾愛無 能事親至其始終若節則有顯揚繼述之大者存馬此 遺各因其人所不足孝經居養疾喪祭所至皆備然後 貳所以感多於上下如此豈其德本茂恪而善應滋至 職安順於日用常行之間然而舅姑樂以致壽原德資 足為孝而況有是哉何其過常也予見其子淞道及母 以成美家業日以和厚致豐盛雖無割股疏飯之事猶 T. .. / ... 觙用情幾欲下淚又聞次子梅 圣卒少婦虞誓不 方洲集

|吾自備者亦重以敵為輕則吾自備者亦輕自重者始 孝事誠在淞也松其勉乎哉母徒以名文自足 族人惠鮮其鄉里永級其世業務實德以博大父母之 未至子任成之繼自今所以將順匡翊推是以和睦 其 豈閨門惟薄所能了辦大抵君有未至臣任成之親有 能匿其機終能輕敵自輕者其始先失其機終以敵 制師破敵莫善於自重莫不善於自輕以敢為重則 答陳彦章處州論

度负固益县終不然則棄其地即披巉履險莫若劍閣 卒不勇稍有所歸尚徒曰山川不可用武設使鴟義矯 之做在重不重之間耳夫處州一隅其流毒不為不甚 とうこうなん」から 養之元氣既盛雖大寒暑無處也尚自髫畝中損之則 其於藩鎮不為不近出將遣師不為不專且久其曰士 重矣孔子曰必也臨事而懼好誤而成者也生死勝敗 如耳大抵兵之精神猶人身之元氣必自初生而培 **都父破之倚山靠洞無甚幇源而童費破之在得** 方洲集

之師而入險危之地正宜按兵輯旅士伍戒嚴擇善地 古人用兵告之聚人恭之天時吉而後舉況乎以新乘 莫重於城之所畏也有將如是而不自重賊其有不逞 與之接雖有智者亦無及矣夫将莫難於兵之所恃也 輜重扼其前援兵斷其後營壘未成號今未施而賊已 手足疾痺望風而寒見日而熱養之終身非壯丁矣故 以安之贼雖跋扈未敢窥也今以神将支兵脱甲冒刃 人具有不怯者乎所謂敵人之來蕩蕩無處此必破之

起於自輕此用兵之失一也兵之識敵循醫之識證察 其腠理審其血脈望問周詳必得其源投之一之可坐 以乘勢方欲連兵吾以前日之鑒正宜撫慰衆心坐定 其能死病者矣故古人用兵義必禮服强必温服 而起尚寒則温之熱則凉之因襲陳方問知腠理吾見 服暴必詐服逆必權服未當不本於運用也況乎 也不此之處而做然輕進芒銳既倒餘鐵顏然卒至 師喪氣無復敢勵之心賊勢益張人心益懼其原旨 方洲県 剛

金元四人全世 謀處布既往之過誤示將來之可圖相幾度義遠攻 奇設伏以圖之所謂知其廣狹盡其淺深乃可為奇而 取見其來而弗怖舍其去而弗追遊哨其隱伏之 猶前日之兵也已損其 其出沒之路以逸待禁以靜制動畢知其情然 一般而賊尚自若未嘗不由於無謀此用兵之失! 之此擊險之法不此之慮而恬然自居今日出 損其一陽氣之駁陰氣之蝕也卒至折車倒數馬 一明日出一兵猶昨日之 兵 過窺

欠。 Long Andrea 固其首首招其部曲開心見誠以申彼此之情被 **夫威與信兵家所恃以為藩籬者也然必信立而後** 爠 以行未有威不能制而可誘以信也故名將之臨 今乃番然自來略無回互此正天與之機也 力之不瞻執已之疑而欲人之無疑不可得已 且加矣若夫猶豫不決進退狐疑既處信之不 力既挫然後一切 人之死必容人之生諭以利害誘其順從 方洲集 ハイ 招無為辭彼雖至愚獨不 如 正宜 及 用

東弱可敬强用之無道處之無法雖東且強無益也 移將之所指莫不前死用之有道處之有法則寡可 其死命特以處置得宜故耳此於處州何如此其失三 矣而乃欣親快執若獲大捷威既不行信復不立將 有幹有年子兹然後該首惡以中大法則餘黨不復 以固聚志哉昔韓洪與疾臨討承宗欽手削]夫士卒将之所恃以為手足者也將之所麾莫不 地非能制

金グロルと言

以釋疑懼之意呈乞詔宥以安其心復其居繼其紫

人工可加入 苦之人臨陣 無勇敢當先之士昔李晟以孤軍而破强 進退無禮動作無義成說不立衆議易摇因人迫己然 定會以要其成則人皆知進死得生退生必死矣若夫 心舉從事跋涉之劳以慰其勤使知將之愛其命情其 今日宜勞之以禮動之以義明生靈無辜之冤以激其 **死無不感憤爭欲自効然後信賞必罰以勘其功立期** 謝之渡肥水而破秦兵豈勢均體敵而然有以属臨 驅而陷之死地賞不編及罰不致嚴管居無同甘共 方洲集

育 面云四月在書 之險輕吾兵之無略而已今南賊既破則聲勢倒矣南 人心無不自危再失其機於狼犬自投之日而賊心始 輕者未曾知有謀也惟一失其機於營壘未定之時而 士卒故也此於處州何如此其失者四也蓋將士勵 之負固不服初不過來南賊之亂恃標掠之富依山道 以成其謀處置宜所以行其謀自重者必知有謀而 处死以自危之兵而捍必死之賊此愚所以 也雖然送事不諫既往不咎好 自前日論之彼 深惜 賊 其 自 肵

師 大学日本人生日 於萬物 皇上以天地好生之仁降賜綸音使之自附如天地之 贼奔溃则彼此之情見矣其所以堅持不服者特以 然猶有一馬竊聞虞書曰分背三苗周書曰除惡務 設使天詔遲之數日不下愚不知其成功果何 既還則士氣益美久禦我攻則欲掠無所美力過德 则山川不足恃矣牌券一呼行伍響應數卒發勇羣 '餘勢不可復生與其死於彼不若死於此故也 於長育而悍疾忿戾有不暇顧誠聖人之 方洲集 如 叛

金月四月月日 本在今日雖無事矣尤當以此為意 易通判所藏畫卷辯

燕齊迁怪之人始競言神仙後世幸生美久者又各附

邃古未有神仙之說自秦始漢武遣方士入海求樂而

樓登市不過海氣盛滿形見世象於空無窈冥之中豈

誕妄所謂方丈选菜之屬實皆空撰一無所有他如蜃

會牽合以佐證其說雖有史家紀載茫不如省而甘受

列者 氣字恐別是一種摸捌文淵通府姑藏之必有定其品 辦香屏息以進如不克将圖有一人皓髮雕眉手握琅 矣此圖學趙千里李將軍得其結構布置耳其間水陸 正統已已夏五月端陽日库友沈宗岳左披一圖右執 得都有真境如盡家手筆但因而賞鑑其藝事則有之 人物態度不倫大似都會遊觀之地非方外蕭爽冥叔 壽星辯

大字可由山田司 一

方州県

壽星秋見於丙春沒於丁國之文明家之壽齡維此是 仰如祝回是為南極之象也古見其形亦志其名世呼 年可養者顏如童兒有龜在旁延頸以望上鶴下鹿俯 果然否如其果也我亦欲壽者馬如其未也子聽我言 屬百神之靈香水一盂椒蘭一點驅爾蹇拙納爾聰明 延人之年固人之形子為識之大倡厥聲予日子之言 **函首身幾齊孔目隆準河口虬鬚羽衣素履恬坐無為** 凡人有生賦理禀氣君子為善善斯屬陽鬼主發生既

言不為無理然而顏子短命善胡不與盗跖得壽惡胡 壽水昌小人為惡惡溺陰昧陰主肅殺年促而既順理 不去云何勿替禍福倒置予聞而異之曰子亦可問善 降殃不惡何傷皆人自取壽星何預哉宗岳曰如子之 天與裁領者覆之非天與領作善降祥不善乃我作惡 則裕從欲惟危如斯而已壽星何私哉宗岳曰降祥與 殃錫福無體惟天所便實有主張如子之言天無否臧 日噫嘻子感甚滋凡天之道因物而施裁者培之非 方洲集

文之 日東全村

壽孰不睡詬豈以其壽遂信其守天之報施良亦在兹 者以勝朝辰拜斗懺悔进命焚符咒食驅厥身病或幸 善惡百世脩短何禅今之論天監於未定善者以怠惡 是故舉顏之死孰不嗟吁豈以其死遂泯其為舉跖之 問者矣在書之禹謨曰惠迪吉從逆凶惟影響則天固 有未定者馬申包胥曰天定者勝人人定亦能勝天此 有一定理在盤庚之中篇曰鮮以不浮於天時則天亦 天所以有常變而其報施卒不漏也但有久連之差耳 卷二十二 力に見りますいかい 私小人香水何補椒蘭何因子執以歸勉修乃身大壽 **徽求遂底滅亡豈天之大亦故低昻彼侍不達矯誣以** 必得福宣天之公亦可貸贖凡厥百為必稱先王弗事 鬼神無私享於克誠壽如有星之曜君子壽果在星不 不貳再拜以循 縱予曰不然凡我所言非謂無神鬼神有靈非私可徵 狂宗岳茫然曰誠若子言此為無用敬神如在抑揚太 而全矢心以聽假使凡厥百為俱蹈不穀求神禮佛動 カ洲集

宗駐蹕維揚其後常令揚即向子固冥搜不獲非准陽 不敢必為定武故物先輩識別定武凡數十字此卷多 をまた人でよういい 宜其滋損而左字已壞者顧無一筆不完石性經涉水 不合而歲字一點尤為顯然宗汝霖進蘭亭石刻時高 承示蘭亭石本絕住不類常所見者當是舊刻無疑第 也當時倉卒渡江不知何緣乃渦淮陽石塔寺井中薛 紀彭既錢損湍流帶左右五字非四字也歲久未壞者 蘭亭定武石刻辯答陳彦章

灭之四車全書 善不善不能必求狀貌之真不真矣此卷既不類常 人哉大抵看顧亭當如看古人遺像僅可論其畫法之 妙豈臨揭所能極盡又況刀錐之工大約相等雖定武 後載書數十百紙終不能及則右軍存時已是絕筆其 将此三者皆不足審那舊右軍書蘭亭如有神助 物恐亦近逼其形似而已無大異也使有精粗美惡 則激裂異常既云己斷而決處不甚剥落其故何 相懸則經目斬辯紹彭何必錢損自識而亦豈能眩 沙漠 醒

鳯 鳴皆可以言通矣夫人與物其無體固有偏全通塞之 當視為住品不必深究其是否也文字所繁稍大而獨 周禮載夷隸掌與鳥言務隸掌與獸言康成引春秋傳 苦心於此豈固不可已者耶因來諭見及不能不辯 介葛盧聞牛鳴為註謂隸解鳥獸之言則是凡羽毛之 惟 凰不能也然二物亦必學人而言則鳥獸無本語矣! 鳥獸言辯 程程類人形鸚鵡類人舌故能學為人言雖

人民可用人生 平宗廟朝廷祭祀熊享之務而專屬之有司以是哉經 文備具職命加詳不應出奇見特乃爾使即有之何預 琴而六馬仰林伯樂過野而機職長鳴賈誼鵬城曰請 朕虞無有所謂掌言者文武周公之世去古不遠雖禮 故曰鷄犬之聲無五方言不異也虞之紀獸曰舞商之 曰夷隷掌役牧人養牛馬與烏言貉隷掌役服不氏養 维曰雅周之紀爲曰魄未嘗問爲獸有言也伯牙鼓 以意未嘗聞人能解鳥獸之言也舜之命益曰汝作 方洲集

貉近北多獸因其土育習其鳴聲而能通其所嗜欲則 信聞鵲鳴謂奚水洛曰禽言不善此必因占測所見 於教授之間可以行辱喚縱制之命於鳥獸矣若謂達 獸而教擾之掌與獸言夫與者人與之也夷近東多烏 八律之音盡聲無之變則豈夷貉之所能哉此齊張子 解 以神其事而左傳介葛廬之言恐亦失之誣也 虞文站公并白雲先生門人與張率性書解 假

甚後之觀者止可致感歎於存及之際取以為身之戒 火之五里全里 今士俗隆汙其言意正平和城不激不露度越同門遠 品氣節亦天下所共知是惡用以口舌辯敬書以見古 世 轉致其門人門人於先生猶父子以父事于人而為人 所阻未有不恕者庸暇計其可否哉無怪許氏門人之 虞文靖公不肯銘白雲許先生之墓以書幣復張率性 辨也王餘慶聯往復書為一通識其末曰世固有越 而相感並世而不相知者侍書文章天下所共知人 、方洲集

待之至若其論列為銘非知之盡則無以詔天下而信 金りにんといっ 或遽以此議公時於知人公於先生言極尊待豈得不 後世意即東菜所謂待人不得不宽論人不得不盡者 勉不宜巧排力辯為死者定枉直於不可致詰之鄉而 加之意非侍於君子之道也公書中語於先生固己尊 知所不知者特以行狀多未諭終莫能得其學行道德 之詳而難於序述耳此豈可與蘇東坡不肯奉詔作范 埋銘者例論哉寧三復莊誦因文靖公書見古人

受官達如陳君大用乃獨取以自號曾詢其鄉人云上 次足 事全書 為處非男子之美稱也以是稱人之真處必且唾罵不 之篤餘不敢知也是卷流落人間档墨如故而今為彦 字書釋癡為不慧又訓為病故凡愚昧狂誕者世旨呼 文之不的因王餘慶諸門人之書見古人師弟子恩義 於彼此之間散為之解 都聞所得可以托不朽矣予見卷中題識者無不致 癡齋解 方洲集

齊始予當以所聞道之於人人亦信然觀其通判嘉與 錯節而續用所致川流山時超越故常不九載拔選同 麥者隣里鄉黨率指為凝君不知其不可也謹受之以名 肚有室而不知私好讀書領舉猶不知所為務與人接 張 公明剛斷警達無遺所至清介峻絕好不能干强不能 無情者不能敬運斤成風游刃餘地不復知有盤根 初為兒時不解人弄能言而不知罵識物而不知取 目洞視而詞氣不形情思疎濶作見之了若不辯殺

重器深藏假是名也非真處然不可往話相與問於寧 春物過精則愚而又有所謂哲人之愚則是氣質昏明 寧解之曰古人謂德慧雅智多生於憂患又謂利令智 **欲定四車全書** 皆可變遷下上曾奏之留高柴之愚出於所禀微子之 損於仁智其真也有所成其假也亦有所濟孔子當稱 所謂癡也然一以承道系匹亞於聖賢一以全宗國不 狂露俞之愚非其常態愚魯為不慧佯狂近有疾将世 知楚雄府愛若老於世故者人始感馬以其有隱德或 方洲集

他而協類者君子之於軍人不情情以同不察察以異 慧者多桁欲使人去管務亡智計以歸諸淳無為故以 疑何感而屑於問言未幾有過言者曰通府君病世之 日客之言幾於憤世疾邪而意則入於黃老非所以養 歷自矯而獨論其真假所謂見表而遗質也因復解之 重之晉唐之士往往有因不慧致盛名者固不足較然 三代以下列國七十子之徒經綸於聖人者無幾乃切 切於愚魯狂簡之人將必有深意於其間斯須形迹何

流而謂儒者欲為之可謂過論矣 節其餘文其所不足遜出正入簡易易化斯可矣如欲 出之受過蹈之畏醫驅放者垂聲射獵者頌說是又好虎 王之制以愚天下者然後可少己那此異端亂政之沿 充客之言吾恐剖斗折虧猶未足以底清淨必若廢艺 文以榜稱武以陣見詩以樂證易以象變虎真可好哉彼其 畫虎赞為方同知費 方洲东 共

にこうる 全首

意於大任而屈信之權乃故爾其低昂也 來也所共望過之而發益竣晦之而道彌彰是天固有 貌和而氣剛外圓而內方疆禦不避震墜何傷在唐 成功也如此而一好惡尚何足云噫豈直虎也胡寧匪人 嘯騰奔衛及泰霍百獸是尊從陰翊陽生風集雲尚其才之 不如惡虎者之衆也然而有偉其形有炳其文就視雄據烈 ,勉在漢張綱半生心事十載窮荒其去也所共惜其 楊朝用憲副像赞

金云四周百書

にいているといる 濟其身是翁也與之近禮樂道世故隱然儒者之習與 有恒俯仰無作不知者以為上饒之丞知者以為海鹽 有真樂斗酒百篇清琴野鶴遠世若遺歸化如約存殁 嗚呼先生不可復作一典民社終老丘壑進不自縻退 之論空寂外塵俗居然方外之倫也 衣冠蕭散容色清純約於用物不喪其真樂於容眾克 費公鄉老像赞 張先生遺像贊 方洲集


龍者也 多月四月五十十 使人皆如公言則邑中可以無訟使人皆如公行則里 噫進退久連吾不爾期愷悌之澤嘉與之思 素時耶一堂春退公時耶可歸堂别後閒雲晚興時耶 志定神問行徐往獨鶴貌猿情葛中野服此在扑軒養 之達視彼患失悲窮之徒所與終日偶語而不如其 夏世康像赞 楊同府像贊

次三四軍全書 偶而亦副副濁世之鴻儀也 萬戸侯豈足道使遇唐太宗三軍即其何疑雖所遭不 見有恒清温慎靜德容有徵是宜其福壽之東萃子孫 中可以無爭使人皆如公之處子婦則慈孝之風廣使 人皆如公之處朋友則信義之道行嗟夫善人不見及 才兼文武識達安危功名自許進退時宜使遇漢高帝 之顯榮適足以表其平生也 宋澹養胡先生曾祖行軍司馬兼尚書遺像特 方洲集

藴石之王出鎔之金松問獨鶴 月下清琴寒花栗里流 金りにんとい 水山陰間適如靖節而行不失步瀟灑如庭少而樂不 子以文顯壽不在下後有求公質子辭也 也公之子其業也公之壽其德也死順而正貌安而雅 此 擊壤老人朱公之遗像公之死其生也公之貌其心 心斯人也方將尋其落葉之迹而適遺我以明王之 郭應物像赞 擊壤老人像特朱天錫父

音也 言確行端色康貌雅其名位則渦發而溢流其門第則 议三五車全書 調高而和寡其犯而不校或可比就車訟牛其敬慎有 巷之悲吁人其遠而 所積子與孫其所遺生可以為閨門之則死可以動里 有女德有婦道有母儀三事既具百福孔宜富與貴其 敢川余以莊母像赞 鄭經歷像贊 灭 方洲集

D 復之地遠遊江海庶幾司馬遷之倫名自行出遠以近 取之以義才足應物而濟之以文寄做湖山將次林君 此王瑞之之像也冠服儼古儀度逼真其知足致物 加庶帝乎對御數馬是將有可大之才而暫處乎下者 殆欲斂所未振而歸於子孫者也 鄉美士三代過民吾視其表固應眉壽百歲察其 杭州王瑞之遗像赞 (Fr



到京四母全書 奏假無言盤肅有字格上萃下德容亶如 德稱其服位宜其才畫日三接公其九皆 醫門之與發死之華德容明爽仁施令嘉金匱玉函青 绿野盛淌岩虚見比恒者 右公服 右祭服 右朝服 却弘敬行樂像費

素和美天厚其生人考其履安此難老永保厥成綿綿 讀聖賢書遵禮義教窮不變業老不衰孝衣冠修潔言 人こういっといせる 美不外聞善自中出夫賴其資婦謹其則壽所宜也福 親安詳庶乎君子九矣不忘 出處有以仕止合宜非學何從非識何施福禄豐寧坦 將綏之嗟我童幼夙覿闢儀 施漢章像赞 張世清夫婦像贊 Ų 方洲集

金门四月月十二日 上漏下濕與陋巷之地同選室鴉牖與單點之事同坐 其親皤皤如其心之和其服禮禮類其形之賢不違乎 壽者為時典刑 原憲豈顏子不自知其貧而原憲猶有意於貧耶寧與 而紅歌與不改其樂之心同何夫子獨稱顏淵而不及 天不僭其分老壯窮堅順受其正 原憲圖贊 外翁無錫許公本像贊

父に日本人は自 世澤丕承天休式迁恭副三淮提總西夏温然器守赫 超職督府總制戎兵禁中牙爪圖外干城王帶垂腰金 印懸肘功光於前業垂爾後 徒聞其言而不受命得無有愧於師友哉 屢空之譽問恥之答庶有得於幾微之辯也惜乎子貢 王總督三世像赞 父征西赞 祖征西赞 Ų 方州集

歷 其名海宇平格天下文明 宿衛近臣樓船上將介胄中錫符節東向世美難子思 を大いたとうで 拱曜中極分辰南極出沒有常明晦惟徳有肅其象有 厚難臣展也忠孝上答君親 爾聲威我既觀止人皆你諸 壽星圖赞 總督赞 素履先生割季俊像赞 巷ニキニ

次定四重全書 盛兒孫永言福壽如母猶存 良金具重美王其温象賢昇弟表德関門早宜家室晚 雅之猶爾恨遺丈之在兹嗚呼鄉無善族巧幸日滋鷄 且無事優游開適公方有為愛惡不顧寵辱俱遗念大 人謂公緩公固任之人謂公賢公力卻之棼錯糾結公 摩野鶴非公其誰 夏大理行樂圖像赞 母姨朱硕人壽像贊 方洲集

方外之學公大有得而予不察儒者之道予未有聞而 谷返食場之駒九皐止聞天之鶴是蓋将持盈以謙退 文章而見質朴釋金紫而服章素遠廟堂而居丘壑空 此大廷尉夏公之像也胡為孚輟經濟而事優逸 蔽 而憂後天下而樂者也 則達朋友之義自少以老迹異心同彼此相好日見 功以靜約超埃堪而上出乎寒廓殆欲學夫先天下 潘清溪像赞

界百不如而一鄉僅有者也 次至四車全重日 飲射嘉賓磵阿朋叟介不離倫和不喪守其言可以變 同門而樂交於吾徒也 冠海濱士友若靜養者予與交自青年延及白首所謂 生于今而及古人之心通乎時而幾隱士之偶林下衣 俗其行可以居久簡慎可以遗子孫柔靜可以齊壽者 不密歲見不疎靜湖冲澹白首如初此其所以見重於 静卷沈帝贵像赞 万洲集 Ī

豎 學淵源士夫儀矩仕不出鄉以道沒齒衍恒齊之正 氣和而充度開而雅只暫時金帶紫袍却 傳世方鑑之遺私其前也有承其後也有啓吾不能起 王等慶本善餘壽因天假所以托微意於神仙将欲與造 野事簡心清調高和寡二女荷鳳勅龍章諸子秀瓊杯 化而相上下者也 致 郜仲垣先生 仕彭公像赞 向白雲緑

次至国車全里司 永世 其存也足以為鄉之能人其沒也可以稱去之前董嗟 温而氣和發自中則水流而雲逝詩禮有傳才譽兼致 孝於其親友於其弟其本既豊其末斯萃即其外則言 先生於九泉猶庶幾挹遺風於三子也 死而一生胡忽來而忽去惟始終之安全庶軒拔於 郭縣还爵像赞 樗遺像粉 灭 方洲焦

徳者也 體口母東父事全教娶於孤寡之餘婦供子職備養祭 母惟造等溝壑之不動其心思故布褐糟糠之不充其 遇終風之暴而不致怨於夫謹柏舟之誓而非不諒 政將以及物斯人也殆欲復渾厚於澆鴻變威刑於禮 色和而康貌安而習詩禮遗風衣冠世澤文可以潤身 於判獨之後否極泰來叛審穫厚是宜其福壽之華滋 劉天與毋安人陸氏贊 於

美行良材清風高節兄與弟弗忘其成規子與孫能守 久了五年全里日 一 王沈沙才志未彰鄉邦之嗟於嘉碩人婉娩貞潔生克 志可大成而阻於病才可有為而厄於命鎔金錄範璞 謂宗族之主器鄉邦之先傑也 其遺烈其道也不待生以存其名也不隨死而減斯所 而子孫之榮阜嗟彼稠人蓋邀乎其難有也 劉孟顒處士像赞 杭州夏秀才夫婦像贊 方洲集

宜家死當全節婦以義盡子以德與其将含笑於地下 險不卻端已正人先憂後樂 金少口是人 名家之裔盛世之名於家則柳公權之匹於鄉則王彦 致遠之才適用之學温潤果然和裕嚴恪防要不超過 而有光於九京也 劉仲通像赞 劉廷信布政像赞

欠いとのはしとははい 晦不自污學非美久才與行俱而命則否庶幾令名永 維緊避江湖而東向也 即之者利往吾將計其迥出蹊徑锋霄壑而上之脫絕 拔族之標出塵之想翠竹鶯松蘭舟桂舫望之者樂村 光不朽斯人也豈固豈其前而當其後者耶 王吉之像特 劉 公瑞像贊 丁友松像赞 方洲集 ŧ

清移之風含弘之器寫行慎言難進易退名實無愧壽 壽則永以厚倫庶吾見之有得該斯文之能徵也 教養讀季侍御之赞詞知其內驗之清深典雅有粹其 予交處士之第季知其能友弟接處士之子好知其能 行有美其名信矣乎是人也與之爵則可以儀象得其 比全卿雲靈鳥自古無傳 葉志學像特志學無子 呉處士像贊

協 言弗違常行弗失義不敬其原不反其遇貌與眾同心 謀之發財也 火之五重全華司 與羣異城市山林榆柳松桂 存九宣厥家則相在爾室無恭爾祖則碩惟其孫內外 中裳儼雅氣貌淳温十室之忠信有在三代之直道斯 順福慶縣臻是足以見其德配之偕老而有待夫詒 南谷老僧予童時應友也以像索書為之捉筆 呂山呉汝輝像赞 方洲集

能積有備無患作徳日休白采甘和本壅末稠此所 惟勞故能逸其持已也惟朴故能文其理財也惟散故 英風干古一日 エカ 身祭子顯福恒壽得載其恭靖攸受休畢子孫其無戰 巢松呉汝輝之像其居業也惟危故能安其處事 斯在遇世祖則王統有釋時雖不酬其名永赫正氣 世之雄萬人之敵志明大義勇強犀力遇高帝則元 **關雲長像贊** 卷二十二 次主四東全書 宗族之危不各財以濟親友之急戰致全終箕裘世緝 家有孝恭鄉有信義本之立矣其末攸濟士盡儒醫郁 其德非無從而徒為之赞述也 吾因其子之顯而有以知其親聞其壽之高而有以徵 名門之士清世之逸誦詩讀書循規履則不避疫以全 乎文藝往哉無流庶以終譽 郭理問父遗像赞 沈士容像赞 Į 方洲集

表之時競栗於金門待漏之日慎夙夜之若兹庶禁名 之無斁 自官不怠其所職嚴如有臨望之可則莊嚴於黃堂拜 佩王舒銀我冠正坊顧外謹中視服思德貴不忘其所 七 十餘化千百斯年紀籍具美廟祀同然孰畀以形昌 其狀天下文明無中有象 文昌像赞為王吉之 張推府朝服像贊 1:1:1 えらとりられるは 婦道既宜母教斯顯福優是經壽考無恭遊香南測萱 贻其謀綿綿瓜瓞祀享春秋 才識明通威儀儼赫文重實興政崇欽恤懋懷清慎力 茂此堂孝慈不已世澤流芳 **語俗衣冠出塵風致早侍宦遊晚承世緒子顯其教孫** 張推府像贊 張母碩人武氏遗像 山陽張處士遺像赞推官尚武之父 方洲集

金足四月台書 差殊您無遺露有以夫子孫之審行鄉黨之思慕此其 淳宜德耀之貞素尚古而行不矯主饋而下無惡壽有 故族名門賢夫懿婦內外正位家室謹度惟伯鸞之清 協循良有服大僚邦家之光 其貌甚和其心孔体前無所愧後無所憂福壽康寧有 所可徵而非對言之或過也 郭處士夫婦遗像贊 樂開朱公夫婦像赞

次足四車全書 昭其能珪組其所當得嗣續其所當與吾當過徐州見 故家遺澤士林蜚英志貞而勵氣和而平友孚其義官 斯年子孫之思 容有德婦道母儀成可稱則夫婦偕老福祉具綏後百 所出既美殿配亦良閏門之秀裙似之光無非無議有 光大尚及其身 東斯德子孫族姓有善斯積家之重慶鄉之令人門 宗憲止菴夫婦像贊 方洲集

松溪陳處士沒其外孫嘉與府學生王論博求士大夫 門之宗其中饋之賢卓見於良人之善政其母教之美 無非無議有德有容既浅中質載厚言工姻族是式閨 所治人之感念吾嘗立朝著聞王司馬之贊稱也 又驗於今子之顒顒也 詩以表揚之徵予為之引予當於召文懿公家見翁 松溪處士挽詢引

有不曲愛其孫者何思其王父者絕簡而論乃篤不忘 詞氣及詢其為人信如今員外君東之墓志所述翁之 生女為緩急一無濟哉余誠有所感也書此為引 土之餘固已冥寂無聞矣而遗行餘光復此昭赫孰謂 論致美於前也於乎處士死非其鄉而又無子就木及 其外祖翁固多恩矣論亦厚矣哉宜詩人咨嗟咏歎為 淚哀思之不能自己也世之人於女之子或不甚爱未 於親戚鄉黨無不用情而況所厚哉此論所以激切涕 A. 17 方州集 Ē

弘定四年全書 率謂賞能忘憂椿木多壽故恒以椿萱道)父母卷中五 憶萱懷母也不稱母而稱萱詩人托與以達其言也人 憐因有憶堂之詩鳴玉若可少慰矣而予尚有以勘之 母今年幾强仕戚戚馬言及輕悲事涉輕泣斬馬如初 七言詩凡若干首皆為顧鳴王作鳴王始年十三時喪 夫養與思異情父與母一體鳴玉雖备失母而其父王 雖妻子富貴将或不能移其所慕者士大夫知而見 憶萱詩引 卷二十二

王輝父将益康勝死者有知母氏亦且含笑於地下矣 誠益事其父凡可以安其身而悅其心者無不致力則 輝南尚無恙比之鼻魚子路猶有間自今當以思母之 兹以往士大夫得無猶有孝椿之作乎姑書以引之) 方洲集

が反正母全書 万洲集巻二十二 巻ニ十二

沙足习事全等 事率貸給民器瀆濫匪奉禮文亦簡非所以致感多而 祗告於先聖先師寧伏見文廟祭器燒缺弗堪簿正有 維成化二年歲在丙成七月庚午朔越二十有九日敢 欽定四庫全書 祭文 方洲集卷二十三 汀州府學祭成告廟文 THE STATE OF THE S · 方 · 洲 · 集 明 張寧 撰

遵 三燭 尊 濯燎瘗諸瑣具不敢以陳經始於五月戊寅記工於 儒 眳 金欠正是三 易 月葵已費不及民勞不索衆名物有章藏守有職不敢 百有二十豆如之幣篚九拴俎六解俎百有五十 軌物於神庶也修謁後惶懼不敢自服謹與僚屬官 三陷尊三有勾剑香鼎八陶發翻二十區盤三脫拋 椿古從制為銅爵百有四十簠簋七十有二梨竹木 也兹惟始蒙敢以釋真告成用薦祀事 跗惟百燈篝架四十有一合八百事机案盆益 闙 庖 鈏 ナ

V TOTAL STREET	Commercial State 2	and the same of the	CONTRACTOR DELICATION DATE.			THE PERSON NAMED OF PERSONS ASSESSED.		
吹定四車全書 ~		1			. 7	.1	1	ii fi
57 I	ì	1	ļ		1			- 11
5	1	1	- 1		1	- 1		11
2	1		1		1	1	1	- 11
(}	1	1		į	ļ	1	- 11
m		- 1	1		ļ		- 1	11
	1	}	1			1	ì	- 11
新	1	f	1				- 1	j i
ギー	1							14
الد	- (1				1	- 11
4	- 1							- 11
포기	- 1							51
1	- 1						1	11
5 1	1		1 }				1	11
_	1						1	11
!							1	11
100	1					· '		11
্য					l '		1	[1
7	1		(1	i	: 1	[1
- 1							1 1	
1					1			i
1					1	i	1 1	i.
1					1	ł	1	11
方洲集					1	1	1	ł:
、カ					1	}	} }	1
:441					1	l	i i	1
"."					i	1		
運						1	1	
4							1	•
- 1					i	ĺ	1	
1				!	1	1	1	
1				}	1	l	!	i ,
1					l .	1	1 :	
1		ļ		}	1	I	1	1
1		1	1	1	1	1		1
- 1		[ł .	1	1	1	1	,
[1		l	1	I	1	
		l	1	1	1	1	ı	i
- 1		1		(1	Į.	1	1
1		{		ł	1	1	1	
1		i	· .	ĺ	i	1	1	
1		}		1	}	1	1	
1		l	l	ł	l	1	1	ł
1		1		1	}	}	1	· .
- 1		1	1	1	1	1	1	'
_		1		1	ŀ		1	
		1	1	1	}	1	1	
- 1		1			1	1	1	l
)		}	l	1	1	1	1	
1		I	1	1	1	1	1	1
1		l		l		1	1	1
1		ł	1	ł	ŧ	(Į.	
1		ł		1	1		1	1
1		1	Į.	1	1	I	1	ł
1		L	<u></u>	ـــ - اسا	<u></u>	<u> </u>	<u> </u>	

年止於四十而遺荣棄養於衆人之先造化者果有心 儀品品乎其辭語此祐禧平生之所稟亦無不厚也夫 則其衰也必後有其本而不獲其應使君官止於六品 事多利則其成也必大行多善則其壽也必遠稟多厚 此祐禧平生之行無或不善也偉乎其軀幹粹乎其容 寓輸懷招之可來而來非有求揮之可去而去非有畏 生之事無或不利也內勁外和志高氣下與物無忤隨 交友獲傾心向異之美所歷如意動問不指此祐禧平

欠こり見へいす

To the second

方洲集

金定四月分書 悼死而疑其誣足以見平日無致死之道既信而相 係乎君之死病不踰旬聞計皆以為誣既信則皆相 於人乎無心於人乎抑生生死死一隨其然而漢不 足以見平昔非可惡之人胡為乎卜者未及授着醫者 訣 H 及授樂匆匆而忽致於此極也嗟乎祐禧止於此哉 幽 月 流逝襄事式臨追念匪及曷止於情薄陳清英永 明君女已嫁君子有成幸既終而復始庶雖死而 君其有知將悲將欣尚饗 悼 為 相

墓嗚呼公其不可復作時亦不可再得公矣寥寥海色 維年月日某謹以清酌庶羞之真致祭於衛矣崔公之 祭崔惟正

英華之氣繼之者誰數昔余祖父托愛先公婚姻整祭 事無不從忘其巍巍情好莫逆垂四十年始終一日追 小子爰自童稚荷公父子式克有濟游藝於库領薦

火巴司車公事 補虚聲滿耳茂德有位其所伊何父師之外公恩孔多 方洲集

鄉登科任職衣紫行黃謹慎小心受知天子木强

無

能議公之始死予方療禄疾不能問死不能哭公返而 金与四月五十 業方新富貴方至子孫方殷名爵方需夫勢高者絕援 聞諸先民德無不報予置查昏忘此告詔特以公家事 亡 顄 而我猶蹒跚於下麓浮沉於中流雖欲超蹤而逆挽之 力大者難偶響諸登山渡水公家固已上絕頂登平 稽建之罪海湖山重公魄在地公與在天敬陳一真有 **榆祀蒸當非公懿親可祭於堂及兹拜掃草宿木拱** 力有所不能也此非公意予心則然雖不能報終不 陸

久己日重白馬 呼公迹雖異所學綱常言或過直而行孔良凡今之人 慊卻嘆吁竊曾慮此少老常態豈謂無幾便致危好 鳴 裕乏疾病生死喜憂婚喪皆嬰其心公於朋友分當力 維年月日謹以牲酒庶品哭真於亡友竹總道人上公 極蹇薄浮湛百不酬一昔常相見慷慨夷偷近一二年 源静日與公定交令三十年自少以老情如骨肉貴賤 淡如泉嗚呼哀哉尚饗 祭上源静文 か洲集

言在耳公貌在目在忽不見伊何茶毒今夕何夕月冷 金丘四月百書 鮮有公類拘弱自誣襲瞽一世嗚呼余有所懷惟公則 誰問誰顧公所居止余身便安房楊户牖夢亦在馬公 知公而去已行當告誰昔當過從無間早暮今復云来 燈孤對酒不舉傷如之何傷如之何以且以夜一别千 予交公父子間幾三十年仕途更遇婚喪疾厄公父子 秋老淚交下 祭姑燕朱明仲文 卷二十

欽定四庫全書 門 書信之行志意之久彼此固不少異不意公既失賢孫 門戶敬具羊酒薄儀北望再拜謹煩公子宗遠為寧 遣吊則獨孤欲自行則衰乏超越進卻庶幾病或少蹇 尋雅大故而良偶又復下世寧聞計驚惶私念耿切欲 公雖袒負不足以謝今自分老病日深卒不能後遠離 因仍日後一日至今情素不伸汎若行路寧之得罪於 終能僥倖一往得以瞻戀塋墳使涕沾宿草不料在苒 往返過從情踰骨肉自予免疾閉居不相見者過半而 を対しまれ

其享之 奠墓下誦我情詞以彰寧達禮薄義之咎猶惟素愛庶 爱女許嫁汝於既孤以弱力扶汝家於既墜以外戚安 年始克致汝有官授室吾囊索已空而顯髮亦種種矣 汝門閥於衆擾瑟閉艱難斯亦良苦勤勞盡痒十有五 哀哉麟乎汝生六春喪父内外多虞吾念汝父遺好以 祭亡壻姚麟文 蕭疎老病無嫡汝忍自棄以絕汝世祀使老母無

又 0.10mm / 111 威也哀哉麟乎 待汝母汝妻以終百歲之事此汝妻之言天地鬼神實 幾僥倖圖存使汝母妻有屬人乎天哉未知其能遂成 否兹将舉極塗殯墓所擇日治三擴一成差汝其二以 **廣起汝家應嗣人以其幼子令吾女母之以植汝後庶** 養少婦無托嗚呼天乎人哉吾不獨汝尤也今當自東 共聽汝其慰哉否沒有盡而情無窮身漸老而悲彌 祭張天常文 方洲集

金定四月至書 於天 情罔或該公在予偶公死予單豈曰無友久要惟艱公 仕而猶匱乏優游而反勞瘁咄爾良朋強爾兄弟莫或 公少值與危長登禄位從容進止皆克有濟胡為乎既 有愆公則無悔疾之不瘳伊誰之處予與公交餘五十 柩未並二孺累然庶幾道德有永其傳養荒惕矣悠悠 朱顏白首一世周旋柴枯得喪告樂矜憐力雖不及 祭周時舉詞 J

欠到可見公子 其何之悲風夕陽條其何時世無其人嗚呼已而 成之情犯而不校真如平生我決連如我心耿若茫茫 維年月日謹以酒菓醋臨別真於七友就蘭王處士日 公則逝矣予年日衰哭不盡哀言不盡思空城曠海子 白首斯人不作 **蚤登胄監尋職泮水中雖偃抑晚不失已朋友之意親** 基碑 祭王本誠詞 方洲集

金分正月石書 安曲靖盤江之役襲職行間特授濟陽衛世襲千户戊 伐充伍隊長進備宿衛洪武二年乙酉征虹螺山投驗 户時天下已亂落落非所遇杖策歸附太祖皇帝從征 辰征魚兇海子庚午征以都山辛未征鴉寒山乙亥出 騎前衛百戶辛酉征雲南蠻洞力戰死公在侍衛有普 與字朝傑生元季才識不厚有聲里社楊左丞辟除萬 公名翼字良輔先世居湖州長與縣後遷廣徳州考名 榮禄大夫都督同知陳公神道碑銘 ٤

次に可見と与 將軍陝西都司都指揮同知尋命掌金吾右衛事蓋不 擊遼東野人累功特陞熊山右護衛世襲指揮劍事三 欲遠任公也明年贈祖考旺父驍騎百户與皆如公官 平汶上功陞都指揮魚事是年六月平定京師陞鎮國 當少挫已卯以白溝河濟南功陛指揮同知庚辰以東 略定二十餘州圖必取攻必破援必濟師交必全勝未 定門始事及渡江率甲四年環數千里大小二十四戰 一年戊寅太宗皇帝舉靖難之師公己精近屬自安 方洲集

金河区屋台電 帝念公熟舊賜召還任北京未幾有疾勃給醫樂調治 老臣可屬大寄詔往南京督府視事洪熙改元仁宗皇 榮禄大夫中軍都督府都督同知後二年數將神機營 為氣沮時論謂優武之端實由此舉後七年上素知公 軍馬扈巡巡北至和林省逾土刺河追擊北敵時死刺 視朝一日給喪具道里費勃有司即長與祖些治整從 祖她楊氏母丁氏皆夫人永樂已丑扈駕還北京進階 久之不能起宣德三年卒壽六十有三上聞計震悼輟 P

沙巴马車在馬 書善騎射頗以才氣自負及為將於而不肆嚴而有恩 吊錢鄉寡為事未當安殺一人故士卒樂附所向成 人皆合墾文初襲指揮同知官温州衛後征閩括有功 不讓古名將初娶張氏生男欽早卒繼袁氏生文二夫 自却非獨長驅銳進能用其死力而已戰勝之日務以 又能先幾倡勇制變優危耀兵整旅之間敵常不戰而 祭吊者相屬於道先是公年少神觀高偉聲如洪鐘讀 品制自襲飲至祥禮諭祭者四親藩大臣百司庶士 方洲集 功

能不有所裁制然其子孫益賢世以功業致顯位豈非 武忠孝未見其止者也文子五綱紀統縉紳皆美材綱 陛浙江都司都指揮愈事博雅英毅敬事亢宗可謂文| 奉承天事而不以人力自逞所謂仁義成功者乎彼戰 天人之分陳氏兩世當氣運交代之交策力相屈勢不 尤可大之器古稱兵凶戰危忌為世將熟察其故將有 國末世逢炭已極天方悔禍乃復以兵甲之術干時舉 如孫具起前雖有無敵之能徇人達天無異乎禍及

金万里月月月

實生厥輔鉞仗佐塵維帝所居羣夷猬夏四方未廷帝 欽定四庫全書 八 書幣來京求銘寧交文三十年有同親之義每見文談 怠事外攘內安心力久舜帝督不总世禄世官藩屏維 将天威是驅是征宗社有鼠牢鼎有雉帝奉天討臣敢 先公事熟悉如目激狀又足徵如此寧能醉遂因以為 文既得美石將易則於神道以御史趙璉所撰公狀致 身而珍厥世也公墓故有碑文叙述弗彰不足以垂遠 桓桓陳公韜略世傳雲龍風虎父子後先天改至人 5. 加集

禁死哀丞丞孝子不逃不供千秋萬年仁義之澤 與先孺人墓南向居祖墓右際故六穴皆循右東向北 附差六次皆寧側室皆良官家處子皆為繼嗣而娶寧 才股脏維舊往哉過歸在帝左右于室于家爾祖爾考 考如親命孺人聘納如婦禮涉歷憂患兩更大喪協承 上以象生序首河問羅氏次無錫許氏德清謝氏此先 百爾子孫前承後保幣河礪山屬閣銘臺殊名偉烈生 開濟鄉先堂附整碑

欽定四庫全書 四 皆未死而預為擴宅所以處不備皆未整而先為表著 所以備不處不備不處未死未整事難竟言勢難盡保 後羅生女姚淑人謝孕而不育趙育而蚤殤此寧德薄 數奇选相遭值非其道得之也項見黃博士子婦有至 其禮動的慎静勉相資成於三人有長貳之分穴皆少 饋配者二十年於孺人有繼續之道穴皆前近次同里! 周氏澉浦陳氏小林趙氏此又羅氏三人所為聘納如 死無所歸寧亟求其遺骸為鼓辈已失一臂故六穴 息二十三十三

書之嬪春秋之歸文無異謂而叔姬一卒一整聖人至 寧豈耄僻至此蓋亦自盡其心以聽乎天而已嗚呼虞 待人以溥哉事既畢工謹刻石以告於後 年亦既六十有三矣後敢汎慮卻顧欲望人以厚而乃 既無倫者不類念惟平生屈抑今髮已髮白寧逾邁之 陋妾何足與論竊獨自揆情文本始實與率相接合嬖 以夫人禮書之經權大義固將因乎其人也區區愚夫 昭勇將軍浙江都指揮愈事陳公神道碑

たこうまたら 處州賊有功陛今職加賜終段楮幣天順中提督定海 指揮同知調浙江温州衛正統間倭夷屢犯浙海東西 諸衛海道尋選任軍政還司成化丙戌總督两浙漕運 仲子也都督公殁宣廟賜藍長與祖些世系事實具載 名文字彦章號朴卷更號半陶年十六襲授金吾右衛 碑誌家東都督初娶張氏长子欽蚤世繼娶表氏生公! 巡按審泉奏舉公把總海寧衛所景泰問勒捕瑞安 江都指揮愈事陳公故樂禄大夫都督同知良輔之 方洲集

多定匹库全書 襲公時猶在抗與鄉貴士夫徜徉湖山結社為歸祭會 更日為數鎮巡三司使副諸公時相敬問往返辛亥璠 塘故事後四年甲寅六月嬰疾知不起召諸子諸孫至 上疏得請以子綱襲温州衛舊職未幾網卒嗣孫璠 、還總兵平江伯陳公素知公非罪仍奏理漕事戊戌 京語授昭勇將軍贈封三世生母妻戴氏皆淑人是 迎就禄養還温與親舊遊從無適以詩酒好逸如錢 以持正不撓忤權貴坐請立功金山衛士論咸直之 繼

次已日奉公等 留別脩然歸盡壽七十有五九月二十一日奉遺命整 絕不許用浮屠亂我家政自起沐浴更衣索紙筆賦詩 兵法處官如家臨下不刻事上不阿遇事不避難羣居 卧 和而不流待儒碩謹執如弟子篤故舊終其生扶顯持 鳙鍾公平生偉資儀雅言動善騎射讀儒文洞達古 州吹全鄉宋萬山之原子七綱紀統縉紳納絲女 榻顧語曰生死常事勿多戚吾後事一遵晦卷家禮! 十有五璠珪璋璵瑚璉璘璇瑚玭瓏璣瓚琮瑞曾孫 . 方 洪集

金月正是台灣 大丈夫哉彼世之武升君子雖有聰明才辯自視無前 烏為之銘因攬涕哽塞强叙而銘之曰豊城之級渥洼 言刻墓道之后寧雖情至無文然死生永别知者不銘 少值得喪無不低昂立見於公何如耶盡後一年璠請 種始終不見其有變態易志事今死猶坦厚如此謂 危幾欲以身殉其詩平實學唐人行指書皆不乏風致 之馬千古一出厥類斯寡曾不得極用人存而問見永 朴養歸休稿數卷寧自少獲公垂四十年彼此髮種 非

沙巴日尾在野 丁 卷府君姚吳氏世家海昌與其兄東衛不人共稱日 古學諸經子史皆當肆力以故發為文解根據藝實麗 事早從翰林修撰張洪習舉子業中歲盡棄去之專意 化嗟夫 先生諱正字東貞號雲壑宋大理評事世堯之後考順 小蕪先生為人孝友敦行義克勤小物終其身無非禮 墓碣 雲壑先生賴公墓碣 方洲集

金岁口屋台電 所不能者命也能其所能而已馬者世也文章實關世 有自鳴集二十卷子淵懿雖能世其業嗚呼先生學 不少衰亂時年五十有九遺命盡於小桃源不食之原 至今邑中多能言之士死之日自書銘旌撰墓誌神氣 則不靡古詩似漢魏律詩如威唐著述之文體法西漢 運人豈能達之寧凤賴師承幸竊料第自叨職禁近以 時才名高出兩浙流聞四方嘗教授海鹽弟子甚衆 而材不見用德可久而壽不甚遠蓋其所能者人也 可

欠こりまから 四 俟已與室人之終四周廣隙地以遺子孫他日序藍之 以止當生氣作廬舎置守者以謹伺不時中營二頻以 以象山疊石以為垣雜植松檜以蔭嵌內外引水為界 海鹽雀祥念先些微狹乃自營墓地於祖壟之東崇土 幾平生恩義云 来去函文者七年而先生之兄弟相繼就木心喪日遠 無能為役因合同門之士書其大略立石而表諸墓庶 毒戴码志 方洲集

墳墓遭不肖子孫寄寓僧舎委諸水火生累萬金死無 股馬草不忘溝壑者雖有幸不幸君子未 當不高其 以来趙岐張禹姚崇司空圖皆不以預凶為嫌比之魚 次既畢工求予言立碍紀事予聞生必有死人之始終 死生之情達始終之故也今世俗日下語及後事便為 古人當以不知死所為憂春秋已有樂丘樹攬者漢唐 寸土自障不亦可悲哉如祥者可謂勝俗矣因其請之 不祥至有老病待盡猶諱言棺鄉富威之家累世不作

金丘四庫全書

D.

次巴马車公島 聽兄處分即任治別業西園中點如幼弟同姓有厚負 翁姓潘諱瑛字公玠世居嘉與海鹽武原鄉今屬平湖 勤為之作志 官稅者被楚辱困迫垂死時方大數公私匱竭翁省歲 高祖富曾祖德卿祖谷寶考必南她高氏世德相承生 不絕費累千金玘因是得冠帶還遽以故儲蓄田宅悉 公及兄兒風聽慧孝友克幹盡玘初籍成京師翁供債 尚義潘公墓碣 方洲集

景泰壬申自運米四百石實京儲授冠帶錫宴光禄寺 穀二千四百石資販貸有記表其宅為尚義勞以聖書 食代償之一里中盡下其義正統辛酉浙大水民飢出 多矣吾兄弟以勤儉幸存吾聞舟服耐率霍食耐餐彼 惟偷可以保成自祖父至于今吾鄉隣以奢情覆家者 者何相違也晚年將謝事語其子姪曰惟勤可以起業 又出穀累一千三百石至傾貲不厭視世之以身發財 乙亥益米三百石授七品散官服自後有司數學荒政

飲定四車全書 觀之或庶幾馬墓宜有所表也 無疾卒春秋六十有八古稱富壽考寧好德考終蘇翁 所居西軒疊石為山環植蘭莉別號奉嚴日與兄觞詠 儉式克承之若等慎自勉也自是其以家業付子洞於 自適可謂達老肚之節矣成化已丑閏六月二十八日 墓表 往難繼之物不可長也道德之華禮義之旨惟勤與 李處士墓表

為承累世之澤親睦諸族而出其右用是有聲於家平 更生母歐陽氏喪明餘二十年自分不復見天日處士 於鄉以經藝訓教諸子季雲第進士天府登名書及父 生無詭言陂行里中素下之及為亭老扶柔抑强克振 此養拙處士李綱嗣憲之墓也其生達文切理敏直有 不釋處士冒險以死力赴憋卒直其枉而歸戚里以為 母兄弟用是有聲於國先是其父被誣訟繁京獄累處 幽枉令必簿尉敷聽問所欲廢舉待以殊禮用是有聲

旁求醫藥朝夕禱於神憂誠剌骨幾不堪命一旦自忽 とこうえんだ 晟之後代有顯官其祖當尹建德雲今為海鹽令天之 鄉黨家國者人或可勉而為至其脫父難於終山全母 維人道者將不用是耶家傳載處士為唐西平忠武王 開懋李氏之孝子慈孫者源遠而流未息宜表於墓以 目於既酒非孝通神明鮮克與比凡天下後世所以網 開朗能視年八十有五一歲中夫婦齊壽以殁夫恒業 可積久而成奇節非至行不立處士之所以致聲譽於 方洲集

金定四月至書 俟来者 李母曾氏墓表

善相其夫無何舅家山訟姑目喪明家事日不造母克 具事行請予言表墓按母始年少時歸養拙雅有婦 故養拙李處士妻曾氏既盡子雲以進士試補海鹽令 迪孝勒以底寧諡生數女無一男數勸養拙曰妾聞子 道

拙 出多母君既子立而又不蚤得嗣非所以重宗祀也養 因納 周氏連產三子母亦生二子撫教惟

一皆能亢

とこうことにより 其無私忌哉者母者方諸古賢淑何以加此母具行載 於埋銘者不備予特表其尤著大者耳 宗弘業其族遂大初養拙無意時常言母於李氏功賢 施拒人雖父子兄弟不能相通好者眾矣况女婦而望 之嗚呼古道既遠民行不與世之偉丈夫招權固已記 父以吾故有厚言吾豈可自處其薄其所遺業須均分 笑頜之及疾革呼諸子前日凡我夫之子皆吾子也汝 並茂百歲後所有田宅無令霖雷霆得與震雲並母常 方洲集

金近四月至書 宣徳中父聰詢戍遼東廣寧娶君母黃氏生君自幼有 歸整祭盡禮鄉里為之感動服滿授刑部陝西清吏司 美質讀書過目成誦長遊衛库治詩經天順已卯山東 鄉武第三人成化丙戌羅倫榜二甲進士聞嫡母喪南 君名輔字時佐世居海鹽曾祖俊卿祖文智皆有士行 三十有八脑終語其妻吳氏子撰曰慎勿之遼必歸莖 主事矜恤詳慎人皆稱平方將有進嬰疾卒於京郎年 王主事墓表 卷二十三

久三日百日·白事 是宜有表 勢家于官而不歸者視君之言行得微有愧哉君之墓 君而今已孤余望矣嗟夫世有舎丘龍鄉父母懷利掛 歸相見甚慰知君素沈毅敦朴厚於本原方以重大望 使朝鮮君適偕計見予永平驛舎及聞喪時會予自汀 **職奉執友丘 照州所撰埋銘求表墓因憶庚辰春予奉** 我於海鹽祖瑩遂扶枢還以次年十二月成塟如遺命 明故願養項公墓表 力洲集

景亮父用平两世皆贈左都御史祖母關氏母翁氏繼 卷諱質字索臣世居嘉興曾祖信仁處士祖吳江縣 丞 於象賢鄉新些素臣美髯豐貌大類其凡而才行大開 母鄧氏皆夫人子綱編緯續綺孫男七壽六十有八整 賀顯之致詞於予求表其弟願卷之墓謹按顯之狀 願 大司馬項公盡臣命從孙子邑命網從日照縣學司訓 素臣無日不在行無事不謹節及官守大定乃歸侍父 亦略相似司馬公自弟子員至有官涉歷中外遭險阻

金河区屋台灣

次記り車至事 一八 藍族屬有貧且遠徙者素臣亦既厚給而旋安之及 病 致斯二者本末之道由是而舉措宜足以成訓於網惠 禁力瞻祖妾朱氏表節之舉非才識之良好亦難以幸 知不起因括遺質召子孫語曰吾即世後當分授吾 臣能勤儉以致裕朴素以成文卒之開拓田宅入栗地 微少有不速乎初景亮官禄僅止用平益謹奉清白素 治於族而扶持賙賉於疎逖也先是其外戚有死不成 母悅之終身親安於家兄懋於國非素臣克惇孝弟得 · 古洲 · 棋

學者所未及是雖天資明敏將亦有儀刑于家庭者表 弟姊妹無使有塟徙之患如不力者嗟夫生而能積死 嗚呼此先考妣之墓也先妣殁三十年而先考卒爾来 而能散信者此吾因其終以逆其始則素臣才行本末 語煮日人之為善譬諸力田種植番多則以獲必厚雖 其墓以勵後之人於禮也何惡 一十五年矣雖門作衰微而嗣續有在痛惟先考當 附載開齊鄉先些表

海至遼得遺銀於路奇貴可實後聞失者將因是致死 季盗起争相長雄互為侵暴爾祖為衆所歸克嚴界守 或水旱不齊然間歲亦將有得不宜因以自怠昔者元 久已司長公事 有大板負體委身流浪凡七夜旦眾皆沉溺而吾幸存 遂訪而還之初亦不以為意及田遇大風覆舟恍惚中 設備樂保合一鄉人免于難及事平悉眾歸附以有今 人以為選釵之報而不知爾祖所積又有大於釵者爾 日之役德濟千人不及享其報以沒吾心歉馬吾當浮 方洲集

雖不足以庇廕久遠然未當貽愚今老矣無所用其力 母存日每與言及此輔泣下因言大難不忘必有後禄 金月四屋百量 新冥冥之積今日似亦少有徵驗矣但德茂字喻恐不 以為善然未嘗為惡力雖不足以齊物然未嘗害人業 願力行好事母忘艱難以失善應故吾平生徳雖不足 有意於否之子孫乎爾其識之嗚呼墓木拱矣遺言如 而前人之所種植者又適不齊問歲之獲天或者其将 以當之耳嗚呼痛哉先祖諱仲山以壽終整德清金

久已 日巨公野 於鄉祖坐先考諱文俊如楊氏有遵遺命合整於海鹽! 碩人高氏卒是年十二月十八日既合室其子鄉舉 社稷壇隅地予當為埋銘後二十四年弘治辛亥八月 成化戊子擊壤老人海鹽處士朱公文秀卒耋開濟鄉 縣開濟鄉之原生平事行已具志石兹不載謹述付授 郎禮科給事中孝子張舊謹識 之語以表于墓云天順五年秋九月十有五日封徵仕 朱處士夫婦墓表 方洲集

祥具述考妣事行請表墓码按考曾祖森祖賢父子名 寡嫂二寡弱姊善持危制變處人所不能平生惜物 澹 美樂教性寬和沈簡喜愠不形事父母極力盡思待二 用慎交尚義不事家人生産意常豁如惟尊務儒術蚤 母陸氏姚父彦昇母徐氏二姓皆士族考自少天資粹 脱以耆德為亭老上下咸信服之始年十七失怙館甥 遣祚從鄭提舉世昌講經習舉業康膳邑库卒成名器 髙氏髙族役素煩重羣漁弗支考材能幹濟彦昇遂托

金万口尼白量

卷二十三

欠二丁屋在島 氣類相侔足以繼德承家老不易度彦昇衰獨病傷足 她八十有四祚配陳氏孫男縣學生桂陽娶陸氏孫女 比之成風公父文伯之母知者題之考得壽六十有七 使勉進德業初祚奉妣居太學翰林方昌言為文頌壽 午鄉舉妣念考不及見喜不勝悲每舉考遺言訓的祚 數載不能行她調侍盡瘁為立叔安子為後與遺幼均 切教養惜皆不克成立且死心常隱痛馬祚登浙江丙 之終身會女山遺幼子女因禮命妣繼姊室孝慈勤儉 方洲集

金月日及白雪 士夫婦與可無愧於世而與先民幾矣予不節書所長 賢亦不能必遇然則遇之者不亦難乎海寧袁花里有 於婦本子善於親才必較德賢必考終合是四者朱處 二沈鎮姚緯其壻也曾孫壽生予察古之論人觀內行 特表著其尤碩大者於墓使人知要易為取則云爾 許處士名到字用文號一樗家乘始元四九提督公至 古人有言父作子述此語者甚平易而事則曠見雖聖 洞孔山墓表

次已四車全 孝相傳順正相守得家人利貞富家之義力本方艱難 時克讓全業與二兄用文能均徹所愛於孤姪由是而 蟲幹蟲厲古之義用文母張氏妻徐氏皆出自名門慈 齟齬卒能經理祭錯博行付授之緒以振起儒文得易 七世矣中業將衰而末後大豈數固有定而猶待於人 之資弘復積世之業用文承更張之餘積習因仍事多 耶初力本翁遭家不造子奮田畝出力舉盈優致四民 明海州同知國器速其祖文英父力本義官叔祥盖 方洲集

學官為榮不知此特用文一暫之美耳尚舉其一暫豈 長於才略而已或輒稱其常出栗脈質以被官服刻名 然則用文所以創守其家業於內外近遠各有道不特 推及諸族惠治隣里此又視古人親親仁民之序不遠 勝稱哉余交用文人因其子清之請特取尤著大可以 從兄一人洪淪為库生與諸兄弟皆元宗承考之器父 作子述得人所難許氏家澤雖百世将未竭也清其慎 勵率鄉邑者界刻諸墓后表見于後清第三人滋潭瀹

雪に とる とい

患之日夜涕泣懇懇勘保遺腹少止後六月子景辰 ススーリー 里士鍾昇昇獨子無春功切屬惟老父母在節婦故養 節 自是疏糲不充事育交迫或因動以飢寒諷以異圖 勉以待 有娠方四月蓬垢働絕執喪藍致疾非仗不起舅 約優舉父道聲容不顯閨門移如昇卒年纔二十 婦姓沈氏諱妙智始年十八其父伯進母那氏擇嫁 鍾即婦沈氏墓表 方州集 姑 生 有 輒

動定匹庫全書 哀哭怒罵至以狗猪指斥老獨幼孤寡窮連塞時雖有 寧難老春秋九十有三而後歸盡整祭有常存殁無愧 文王之政將亦未易盡為安全節婦直以孝慈執志 往不回首尾六十年中生死內骨使昇父母以高壽令 終遺育以清白繼世孫曾女婦競爽發祥卒之其身康 母氏為鍾豈繆氏世澤有源數丁厄塞司造物者特為 之作合貞懿以全其宗而昌大其末歟惜鄉邑寥寥未 其初心所不圖者予聞昇本緣姓曾祖惟賢因俗依

とうし ここ 實公名琰字邦用號東津世家儀真父關母朱氏妻殷 其墓以詞命見及寧雅知公不敢辭亦不敢佞謹書其 氏以公費皆授勅贈兄弟六人子三人平生孝弟公忠 嘉與太守柳公卒郡大夫士庶咸哀思不已胥謂宜表 敏勵清約出自性原學力執政不可回撓自弟子時已 尚足以垂勸也 有能舉白以表樹其門者用書諸墓碍庶幾將來有聞 中憲大夫嘉與府知府柳公墓表 方洲集

古平大监於贛公所省織造大情於江西雖移攝動著 然及舉進士授户部主事監督准安糧储卒以是致誣 <u>構左遷南陽通判改廣平陸古安同知久之始為正嘉</u> 尊惟漸不煩令以教禮其賢而人勉行不 樹威以治 正 與府事險夷逆順不變所守用能所至有聲販大災於 其法而人不干率之以勤而民不情示之以儉而民不 色持之以鎮靜而民有常上下和平百為式備雖或事 續宜吾郡之大被厥施也自下車至今舉廢有倫禁

動定匹庫全書

壽而下止當遠到而近輟哀思者固皆歸歎於天然志 定可以立命疑公之性原學力所謂執政不可回撓者 五十有七在任僅五年初直發背彌留醫謂積憂勞所 感妻子環泣終無悔言及卒解無餘貲襲斂草略同官 相與具棺歸其喪於家可富而能貧既顯而用晦宜上 緩之機非識微者不喻吾郡自楊公承芳後有本之治 關軍國一暫涉民警諸寒涼 時易而元氣常通剛柔急 一人而已使須與母死庶幾休靖之風矣惜哉公壽

Caloud like

方洲集

充

多定四母生書 馬項公蓋臣墓誌其美懿刑於家人朋友鄉黨者又不 亦與有以召之古聖哲生以道顯殁以道終道茍得矣 世情欲惡者為公遺不平也公文章編著有嘉禾郡志 必有見采而列之史傳者 可勝紀予特表其大略界公子健壻王睿歸刻立后將 載而下孰知其他公自寧沒本無怨尤是亦不必以 津稿數卷政事履歷詳載愈憲戴公元吉行狀大司 開漸鄉朱氏先些表 7

一未氏本新東金華舊俗今莆田丞瑾之高祖賢四有子 次已日車在事 實始盡之地不可無識況地以漸廣盡不立時擴穴繁 七人其季銘國初調成海寧衛因卜業海鹽生子五其 長源源子二其長富富子二其長瑾瑾子二其長康康 子未計其長俸銘與其配潘源與其配孫皆合墊所業 稠飲次久將不白是欲立石刻圖用示来裔乞余文為 開潛鄉富先室曹亦既附塟而瑾復喪偶王氏科且垂 及瑾因念自高祖以上在金華者已不能通祭省開濟 方洲集

金岁口尼台草 表嗚呼人亦有言生不必常厥居死不必常厥盡苟非 德義孰能為力寧自有知即聞銘父之本始見源父之 所難此瑾所以禄養歸榮陳復濟美有待今兹之舉視 弘以懿平生恕膚受之辜救垂死之迫急義棄利尤人 傳或已賣遷墾伐荡為逢塩異嫡平尊混為叢塚考其 事行吾耳目所未及或有似之者處士富承家幹盤蓝 殯荒僻其間非無侈為堂垣封植留情久遠者不一再 比威大家奢婚儉盡父母先無宅北甚則煅棄水火既

勗哉 **飲包四華全書** 予友王公名豫字用誠致仕卒於河南開封祥符里第 澤相承沿洄不斬雖金石之文必東而後堅明也陳其 氏庶有徴矣繼自今克孝乃祖父以友愛爾兄弟使世 死 可以寧止可以延固其先下可以啟迪其後吾於朱 得失與衰莫不各有所致然則德義之於人生可以順 朝請大夫攢治少尹湖廣布政司右祭議王公墓 表 方洲集

五岁日天之三 墓嗚呼予始知用誠已發草宿木拱計来何遲耶按公 **墾十有六年其子兵部主事緯自官所致事行狀乞表** 惟永感克友于伯兄為弟子員為學有大志屢以廩 膳 先世皆德隱考和以公貴贈給事中此孫氏孺人公蚤 使安南所至歸重受知英廟陸湖廣然議奉勃提督太 讓同業及領舉登進士官禮科勒勵蹇諤明正不矯敷 奏出納風采為一時望當被命冊封親潘副學士錢溥 教兼 即制 到州軍民事舉荒政以活饑饉之民給饋的 卷二

以平湖襄之寇正已從宜與中貴人協恭上命卒成治 **政定四車全青** 得之緯狀以予所見徵所聞用誠真可謂端純敏惠亷 城乾阿社瑩與恭人劉氏同穴予與用誠同甲戌榜進 士聯官禮科甚相爱好給事時事皆予日激然議後事 疾革遗命不作佛事勿拘泥陰陽春秋六十有三整汴 居手不釋卷足跡不至公府惟與鄉舊結社為惟而已 禄未當少自泰年南五十有七即致仕歸行李蕭然家 功而無牽制之患前後再轉官奉十三重書賜食三品 · 方 · 拼 · 集

言則知用誠者鮮言則有所不忍是以執筆涕泅幾不 其大略為士仕者之勸嗚呼死生契潤故舊散亡予不 自知其言之不文也嗚呼 天固為之所矣公世系生卒之詳已具載埋志予特表 徐州吏目王紀偕弟續詣予求言表其先考處士之墓 按處士諱恒字有常號樂義祖彦安考思禮母張氏配 節雖日未底大受顧其子女祭昌則有餘不盡者 明故樂義處士王公墓表

欠已习巨 白馬 義家庭之間綽有禮法嚴如公府平生為人赴急舒危 孫皆以文稱晚年不後入城市終老于西郊別業壽八 莊賴雲壑二先生於家使諸子師事受學故紀續及諸 予師澹軒先生志公事行甚備稱公事父母孝處鄉黨 具氏子男七人孫男十有四人曾孫十有二人 建之日 所至誅擊家强削奪兼并形迹稍涉疑似輒沒入徒戌 十有二而卒開公此歲時會大理寺卿胡縣巡撫吳湘 自縣令以下數質問疑政里中多所憑籍當延致許前 方洲集

金万正居台書 者不可勝还索大家威田宅適長賊稅出入鈴籍中 故家之祖宜表於墓使王氏子孫時感而勿忘雖百世 能周旋回遠卒以保全致今日雖由祖父母善慶所召 陳處士名琛字廷美號朴卷世籍海鹽居永寧里曾祖 公亦誠謂之智而能應變者矣由是論之其功可以並 忠顯祖烈考全母張氏生母李氏處士天資淳厚自幼 可以為勘 陳處士墓碣 卷二十 而

次已四重公言 業益威惟不喜施予僧道達者避之晚季付家緒於諸 治辛亥八月念二日年六十終于正寢子男四軏王氏 較雨量情於歲事而已其生宣德壬子八月初五日弘 瑜分嘗為伯父與後終其存殁致隆不懈家素大與兄 本力穑體悉農業至與童僕均甘苦勞逸人皆用情其 琮長賦稅於鄉勤慎寬約執信容物鮮有敗事平生務 服輒登樓詠誦或偕二三野老相與論世故敏親舊 方洲集

能强記見與於社學師性不嗜酒衣食取足温飽用無

金岁巴尼台 繼蔡氏蚤世輅王氏是鄭氏庶子環女三義官張和 鎮鐔鐄總孫女三後二年癸丑十月十一日與張氏合 晃立石 矣文之以禮樂其後人宜有如較見者出也因按書之 塟於南鮑涇新 塋先期輅晃哀杖持塾 賞王櫻廷采 所 生朱紳海軍衛指揮彭紳嗣子雲其壻也孫男六鍊金)行狀乞志码后若朴庵幾可謂質重近仁與眾不件 刻石以埃弘治六年歲次癸五九月九日孝男陳輅 巻二十

次尼马斯在野	即灣門	
カ 州		
1		

1	方洲集卷二十三				金万里及人門
	ーナミ				
					卷二十三
	-				
					F